



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1276 Usque Ad Annum 1312

Fleury, Claude

August. Vind. [u.a.], 1766

VD18 90118251

§. 22. Absolutiones a Summo Pontifice datæ.

[urn:nbn:de:hbz:466:1-67012](https://nbn-resolving.org/urn:nbn:de:hbz:466:1-67012)

Sæcul. XIII.
A.C. 1285.

§. XXI.

Petri Arragonum Regis mors.

Rex Arragoniæ Petrus paulo amplius
mense Regi Franciæ superstes fuit,
die S. Martini 11 Nov. extinctus anno æ-
tatis sexto & quadragesimo, regimini
nono. Ecclesiæ reconciliatus Sacramen-
ta morientium accepit ab Archiepiscopo
Tarraconensi. Regna Arragonium &
Valentinum cum comitatu Barcinonensi
Alphonso suo filio, natu majori, Siciliam
Jacobo alteri filio per suum testamentum
reliquit.

*Gesta com.
Barcin. c. 28.*

p. 573.

Nic. Spec. 2.

6. 7.

§. XXII.

*Absolutiones a Summo Pontifice
datae.*

In Italiam ut redeamus, urbs Viterbium
per totum Martini IV pontificatum a-
nathemate devincta manserat ob seditionem
post obitum Papæ Nicolai III factam,
& ob mandatos carceri duos Cardinales
Matthæum & Joannem de Ursinis. In-
colæ petitam a Martino veniam non im-
petraverant: sed Honorius supplicantium
submissione iterata flexus execrationem
sustulit ea lege, ut majore mœnium suo-
rum parte subruta vices quater mille
libras monetæ pontificiæ impenderent
in

Ravn. 1285.

n. 70. n. 43.

Sup. lib. 87.

§. 43.

in condendam dotandamque domum Sæcul XIII. A.C. 1285.
 hospitalem, quæ Romanæ Spiritus fan-
 cti plene foret obnoxia. Præterea civi-
 tatem omni jurisdictione exutam Papa
 integram retinuit, status privati homines
 seditionis reos pro arbitrio suo punien-
 di facultatem sibi reservans.

Melchior Buffetus Episcopus Derto- Rayn. n. 67. Ughell. to. 4. p. 863.
 nensis in Lombardia anno elapso perem-
 ptus fuerat hunc in modum. Guilielmo
 Montis Ferrati Marchione Dertonam per
 vim occupante, Episcopus, qui bellum
 contra illum defenderat, in tumultu pe-
 des ac personatus fugerat: sed ab hosti-
 bus captus jubente Marchione in arce
 quadam aliquamdiu custodia septus te-
 nebatur. Postea quibusdam Episcopi
 cognatis castrum Sorlium ejus jussu de-
 dere recusantibus, Marchio huc eum va-
 lido cum præsidio misit: sed non pare-
 bant: & cum Episcopus Dertonam ver-
 sus reduceretur, una cum quibusdam a-
 liis occisus est ita, ut Marchionis milites
 id non viderent ob spissam nebulam, quæ
 eos separabat: & illius cadaver diu in-
 humatum jacuit.

Marchio re comperta graviter affli-
 ctum se indicans, corpus in cathedrali
 Dertonæ templo honorifice sepeliendum
 curavit. Quia tamen constabat Episco-
 pum eo mandante captum & in custo-
 diam traditum esse, ad Papam, ut cædis

Sæcul. XIII. A.C. 1285. rationem redderet, accitus, Romæ se per nuncium excusavit, asserens se necem Episcopi nec imperasse, nec suasse, sed contra doluisse magnopere: deinde se ob inimicos tum illos, quibus cingeretur, tum alios, per quorum terras sibi eundum esset, non posse Romam proficisci, ni vitam & provinciam suam periculis exponeret.

Papa Honorius his rationibus permotus Archiepiscopum Consentinum, Fratrumque Prædicatorum Provinciale per Lombardiam Magistrum iussit Marchionis excusationes sine ritibus iudicialibus disquirere; si veras cernerent, eum ad sui purgationem viginti cum viris admittere, atque has ei poenas irrogare. A loco, ubi comprehensus fuisset Episcopus, usque ad templum Dertonense, ac per urbes Vercellas, Eporediam, & Albam Pompejam a porta usque ad templum cathedrale publice nudis pedibus & capite iret, nulla super indusium lineum veste tectus. Omni patronatus jure, ac prædio beneficiario, aut in perpetuum conducto quod ab Ecclesia Dertonensi haberet, se ac posteros suos privatos, & hos usque ad quartam generationem quolibet ejusdem Ecclesiæ beneficio exclusos sciret. Cunctas arces terrasque ad hanc Ecclesiam spectantes redderet. Tum postulatam, addebat, absolutionem

illi dabitur ea conditione, ut intra unius ^{Sæcul. XIII.}
 anni spatium in templo Dertouensi aram ^{A.C. 1285.}
 condant dotetque pro duobus Sacerdotibus,
 quorum uterque viginti quinque librarum
 Genuensium proventum habeat. In-
 jungetis illi etiam, si vobis ita videbitur,
 iter transmarinum, aut peregrinationem
 ad Compostellanam S. Jacobi ædem, ac
 jejunia, preces, aliaque opera bona, prout
 expedire ad ejus salutem putabitis. Ad-
 hæc præcipimus, ut se nobis sistat intra
 annum, postquam ejus excusationes
 cessaverint: nec volumus per hanc in-
 dulgentiam Principibus profanis adimere
 facultatem exequendi contra eum leges
 in sacrilegos latas. Hæc mandata dedit
 Romæ 20 Dec. 1285.

In Polonia Lesco Niger Cracoviæ Dux ^{Rayn. n. 72.}
 Papæ Honorii jussu absolutus est ab ana-
 themate, in quod incurrerat duobus ab-
 hinc annis Episcopum Paulum compin-
 gendo in carcerem & male habendo:
 atque Sacerdotes, qui Duci a sacello e-
 rant, spretisque censuris coram eo divi-
 num peregerant officium, ex interdicto
 vinculo exempti sunt. Dux rem finit ^{Cromer.}
 cum Episcopo ita transigens, ut huic sa- ^{l. 10. p. 171.}
 ceret latis. Papa Honorius etiam ad Pro- ^{Sup. Lib. 59.}
 ceres Præfulesque Poloniæ scripsit, ut i- ^{§. 39.}
 bi solvendam curarent denarium S. Pe-
 tri ante annos ducentis plures sub Rege
 Casimiro statutum.

§. XXIII.